



Broj: 11-11-1499/23
Vogošća, 08.09.2023. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 08.09.2023. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE
PROJEKTNE DOKUMENTACIJE ZA SANACIJU KLIZIŠTA "ORAHOV BRIJEG"**

Član 1.

Ponuda ponuđača "Arting BH" d.o.o. Sarajevo, ulica Nikole Šopa broj 9. Sarajevo, odabrana je za pružanje usluge izrade projektne dokumentacije za sanaciju klizišta "Orahov Brijeg", kao prvoplasirana na Rang listi, sa ponuđenom ukupnom cijenom nabavke u iznosu od 12.242,00 KM bez uračunatog PDV-a, odnosno 14.323,14 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 07.08.2023. godine donio Odluku o pokretanju Otvorenog postupka nabavke usluge izrade projektne dokumentacije za sanaciju klizišta "Orahov Brijeg", zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 07.08.2023. godine pod brojem: 1353-1-2-167-3-153/23.

Sažetak Obavještenja o nabavci objavljen je u "Službenom glasniku BiH" broj: 56/23 od 11.08.2023. godine.

Tendersku dokumentaciju sa Portala javnih nabavki BiH je preuzelo 15 (petnaest) ponuđača. Krajnji rok za dostavu ponuda bio je 31.08.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 31.08.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 11-11-1499/23 iz augusta 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 7 (sedam) ponuda i to:

| R.B. | NAZIV PONUĐAČA/GRUPE PONUĐAČA | UKUPNA CIJENA (KM) bez PDV-a | POPUST | CIJENA (KM)SA POPUSTOM bez PDV-a | UKUPNA CIJENA (KM) sa PDV-om |
|------|--|------------------------------|--------|----------------------------------|------------------------------|
| 1 | "PPG" d.o.o. Sarajevo | 13.370,00 | / | / | 15.642,90 |
| 2 | "Design & QC" d.o.o. Sarajevo | 13.260,00 | / | / | 15.514,20 |
| 3 | "Radis" d.o.o. Istočno Sarajevo | 14.745,00 | / | / | 17.251,65 |
| 4 | "Tracest" d.o.o. Sarajevo | 14.800,00 | / | / | 17.316,00 |
| 5 | "Arting BH" d.o.o. Sarajevo | 12.242,00 | / | / | 14.323,14 |
| 6 | "Winner project" d.o.o. Sarajevo | 15.270,00 | 5% | 14.506,50 | 16.972,61 |
| 7 | O.D. Projektni biro "Stability" Sarajevo | 14.649,00 | / | / | / |

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "PPG" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 8.1.14.TD je propisano da ispravke u ponudi moraju biti izrađene na način da su vidljive. Ispravke moraju biti potvrđene potpisom ponuđača, uz navođenje datuma ispravke, što u ovom slučaju nije urađeno.

Naime, u ponudi ponuđača "PPG" d.o.o. Sarajevo (strana 3. Ponude) vršena je ispravka bez navođenja datuma ispravke.

Agencija za javne nabavke BiH u svom mišljenju broj: 04-02-1-4-2/19 od 07.01.2019. godine, a koje se odnosi na primjenu člana 18. stav 1. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) navodi da je ponuđač "dužan da pazi da ispravka bude vidljiva, npr. ispravku izvršiti vodoravnim precrtavanjem upisa u toj rubrici i unošenje ispravnog teksta u slobodni dio rubrike uz obavezno stavljanje datuma ispravke i potpisom ponuđača.

Potvrđivanje ispravke od strane ponuđača mora biti izvršeno potpisom ponuđača i datumom ispravke, u suprotnom, izgubio bi se smisao autentičnosti i vjerodostojnosti same ispravke".

Također, praksa Ureda za razmatranje žalbi BiH po pitanju ispravki greški bez potpisivanja i navođenja datuma kada je vršena ispravka, u Rješenjima broj:

- JN2-03-07-1-1261-8/16 od 12.01.2017. godine,
- JN2-01-07-1-803-8/17 od 18.01.2018. godine,
- JN2-02-07-1-628-6/17 od 01.02.2018. godine i
- JN2-02-07-1-520-7/17 od 02.04.2018. godine

je da su ispravke koje nisu potvrđene potpisom i datirane bile razlog za odbijanje ponuda kao neprihvatljivih.

Na osnovu iznesenog, a uz uvažavanje gore citiranog mišljenja Agencija za javne nabavke BiH kao i prakse Ureda za razmatranje žalbi BiH, Komisija za javne nabavke je smatrala da je ponuđač "PPG" d.o.o. Sarajevo postupio suprotno odredbi člana 18. stav 1. Uputstva za pripremu modela tenderske dokumentacije i ponuda, te je stoga predmetna ponuda kao takva neprihvatljiva za ugovorni organ

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Design & QC" d.o.o. Sarajevo,
 - "Radis" d.o.o. Istočno Sarajevo,
 - "Tracest" d.o.o. Sarajevo,
 - "Arting BH" d.o.o. Sarajevo,
 - "Winner project" d.o.o. Sarajevo i
 - O.D. Projektni biro "Stability" Sarajevo
- ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda („Službeni glasnik BiH“ broj: 90/14 i 20/15).

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade projektne dokumentacije za sanaciju klizišta "Orahov Brijeg" kako slijedi:

| R.B. | NAZIV PONUĐAČA/GRUPE PONUĐAČA | UKUPNA CIJENA (KM) bez PDV-a | POPUST | CIJENA (KM)SA POPUSTOM bez PDV-a | UKUPNA CIJENA (KM) sa PDV-om |
|-------------|--|---|---------------|---|---|
| 1 | "Arting BH" d.o.o. Sarajevo | 12.242,00 | / | / | 14.323,14 |
| 2 | "Design & QC" d.o.o. Sarajevo | 13.260,00 | / | / | 15.514,20 |
| 3 | "Winner project" d.o.o. Sarajevo | 15.270,00 | 5% | 14.506,50 | 16.972,61 |
| 4 | O.D. Projektni biro "Stability" Sarajevo | 14.649,00 | / | / | / |
| 5 | "Radis" d.o.o. Istočno Sarajevo | 14.745,00 | / | / | 17.251,65 |
| 6 | "Tracest" d.o.o. Sarajevo | 14.800,00 | / | / | 17.316,00 |


Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Arting BH" d.o.o. Sarajevo, za pružanje usluge izrade projektne dokumentacije za sanaciju klizišta "Orahov Brijeg", kao prvoplasiranom na Rang listi, sa ponuđenom ukupnom cijenom u iznosu od 12.242,00 KM bez uračunatog PDV-a, odnosno 14.323,14 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo





Dostavljeno:

1. "PPG" d.o.o. Sarajevo
2. "Design & QC" d.o.o. Sarajevo
3. "Radis" d.o.o. Istočno Sarajevo
4. "Tracest" d.o.o. Sarajevo
5. "Arting BH" d.o.o. Sarajevo
6. "Winner project" d.o.o. Sarajevo
7. O.D. Projektni biro "Stability" Sarajevo
8. Nadležnoj Službi
9. U dosije
10. a/a

info@ppg.ba
design.cqc@gmail.com
radis.doo@gmail.com
info@tracest.ba
artingbh@gmail.com
marketing@winnerproject.ba
birostability@gmail.com